

piazza de Brexa, el qual venne a tante con sier Segundo da Pexaro camerlengo di comun, et rebalotato, rimase de una balota. Li tolti fo questi:

Scurtinio di proveditor a Lignago con ducati 80 al meze per speze, con pena.

- † Sier Bertuzi Contarini fo capitanio de le galie di Alexandria, qu. sier Andrea,
 Sier Segundo da chà da Pexaro camerlengo di comun, qu. sier Nicolò,
 Sier Zuan Francesco Sagredo fo proveditor a Zervia, qu. sier Piero,
 Sier Lodovico Michiel fo proveditor a Civald di Friul, qu. sier Piero,
 Sier Zuan Antonio Justinian fo proveditor a Brisi-gele, qu. sier Marco,
 Sier Zacaria Barbaro fo pagador in campo, qu. sier Daniel,
 Sier Giacomo Malipiero fo proveditor ad Axola, qu. sier Polo,
 Sier Marco Contarini fo proveditor a Peschiera, qu. sier Piero (*Taddeo*),
 Sier Agustin da Canal fo proveditor a Roman, qu. sier Polo,
 Sier Antonio Venier fo proveditor a le biave, qu. sier Zuane,
 Sier Benedetto Marin fo di Pregadi, qu. sier Marco,
 Sier Francesco Surian fo vicesoracomito, qu. sier Andrea,
 Sier Zorzi Valaresso fo proveditor a Bergamo, qu. sier Marco,
 Sier Antonio Donado è di Pregadi, qu. sier Bortolomio, qu. sier Antonio cavalier,
 Sier Filippo Corner fo zudexe di petition, qu. sier Hironimo,
 Sier Zuan Batista Memo fo proveditor sora i uffici, qu. sier Francesco.
 Sier
 Sier

In questa matina fu terminato in Collegio mandar li deputati a le porte de Padoa et Treviso, et balotà li danari. *Item* parlato che sier Priamo da Leze eletto capitanio di Padoa vadi, *licet* el capitanio sier Christofal da Canal, bona persona, compie a di 24 de questo, et sia in questo mezo proveditor: el qual chiamato se oferse de andar.

Avisi hauti da Fiorenza.

179

Per lettere di Genova, di 6, habbiamo come l'imperatore se imbarcò a li 27 de luglio in Barzellona sopra la galera capitania de missier Andrea Doria, et parti l'altro giorno et vene a Palamos, dove stete dui zorni, et la domenica parti da quel luogo, et il lunedì, che furno a li 2 de questo, arrivò sopra Marsilia a le isole de Heres, donde a li 3 expedi una galla con li foreri. Et Soa Maestà quivi se afermò per aspetare tre sue galere remaste indrieto, et se pensava dovessino arivare a li 3 de questo, a lo muo del quale designava partirse per Monaco dove starebbe un zorno; et se fa conto che lunedì proximo, che saremo a li 9, se troverà al tutto in Genova. L'armata de le vele quadre haveva già passà Monaco, ma se pensa che el temporal l'harà fatta tornar a Villafranca.

Quando se parti da Barzellona havea 20 galere oltra a quelle del Doria, ma in Palamosa toronono a 28, perchè le altre 5 se disarmarono et de le 10 (*sic*) 15 ne sono rimaste; ne sono rimaste tre che venivano apresso non molto buone, tanto che in sua compagna non ha bauto più che 29 galere: et in Genoa se trovano le due de Monaco et le 8 de Sicilia, che in tutto faranno la summa di 36 o 38 con quelle de Napoli. Velle quadre sono intorno a 70, sopra le qual dicono esser imbarcati 10 milia fanti, ma se pensa che siano molto manco per li morti et malati. Sono sopra la ditta armada circa 1000 cavalli tra buoni et cativi et mule che sono tra essi. Ha comissione ditta armata di andare nel porto di Nai (*Vai*) acanto Savona, ove se farà resolutione se la debba sbarcar a Genova o ne i porti senesi, opur a Savona. Il Papa vorebbe che se sbarcase ne' porti senesi. Sono con l'imperador il gran cancelier, monsignor di Nansau, monsignor de Granvela, et il confessore, lo arzivescovo de Bari, lo arzivescovo di Palenza, il marchese di Meio, el figliolo del duca d'Alva, el figliolo del duca de l'Infantasco; et in Genova concorrono tutti li ambasciatori de quelli principi et signori a lo intorno. La ditta galera che portò i forieri arivò in Genova a li 5 a hore 18. Heri, che forno a li 5, ci fu adviso, in lettere de particolari de 20 da Cambrai, come lo accordo era concluso, et il primo di de avosto se doveva solennemente stipular et publicar. Non si è inteso altri particolari se non che li confederati vi sono compresi. Per li sopra-

179*